



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

11 Excommunicationis gladius est valdè salutaris, & magna
circumspectione exercendus.

urn:nbn:de:hbz:466:1-10316

numer. 5. vers. secunda conclusio.

Iusta ¶ excommunicatio ut sit, quatuor concurrere debent.

Primum, ut proferens habeat jurisdictionem excommunicandi, ut per Graff. supra allegatum.

Secundum, quod causa subsit vera, & rationalis, c. 1. de sent. excom. in 6.

Tertium, quod monitio competens precedat ad formam d. c. sacro. in 6.

Quartum, quod proferatur causa expressa & in scriptis d. c. 1. de sent. excom. eo. lib. 6.

7 Injustam ¶ sententiam excommunicationis proferens multipliciter punitur.

Primo, quia tenetur excommunicato actione injuriarum, cap. temerarium, & c. illud. junct. gloss. 11. q. 3.

Secundo, tanquam sacrilegus est puniendus, c. si quis, & c. non in perpetuum, 24. q. 3.

Tertio, carere debet communione hominum, & interdici ab ingressu ecclesie, quantum superiori videbitur expedire, c. de illicita, eadem q. 3. & Inno. in cap. sacro. n. 2. de sentent. excom.

Quarto, ob non servatam formam, c. 1. de sentent. excommun. in 6. Pœnam interdicti ab ingressu ecclesie per mensem incurrit ipso jure, & suspensionis à divinis, 10 aded quod celebrando, irregularitatem incurrit, à qua non nisi à solo Papa potest dispensari, ut in d. cap. 1.

8 Sed ¶ ex sacri conc. Trid. dispositione à dicta irregularitate, si erit occulta, poterit dispensari ab Episcopis, qui per seipsos, aut per Vicarios ad id specialiter deputatos in foro conscientie, in omnibus irregularitatibus ex deicto occulto provenientes, excepta ea, quæ oritur ex

homicidio voluntario, & exceptis alijs deductis ad forum contentiosum, cum suis subditis dispensare possunt, cap. 6. de refor. sess. 24.

Quinto, si sententia excommunicationis injusta appareat, ad interesse excommunicationi est condemnandus, ut per Host. & Io. And. in d. cap. 1. Excusat tamen proferentem sententiam ab his pœnis causa probabilis, si laudabilis opinionis existat, ut in d. cap. sacro. §. cumque adversus, de sentent. excommun.

9 Minor ¶ excommunicatio quatuor modis infertur, à Deo, à seipso, à sacerdote, & à canone, gloss. in cap. si inimicus, 11. q. 3.

Et est censura ecclesiastica privans participatione passiva omnium sacramentorum, cap. si celebrat. de cler. excommunic. ministr. & celebrans in minori excommunicatione mortaliter peccat, Sylvestr. in ver. excommunicatio. 4. & Cajet. in verb. excommunicatio minor. Divina officia, Missamque audire, & cum aliis ejusdem interesse, ac choro recitare, & pacem, quæ in ea offertur, minori excommunicatione excommunicatus sumere potest, Navar. in cap. 27, numer. 24. tom. 3.

¶ Et minor excommunicatio per jus in octo casibus fertur de quibus per Innoc. in c. 1. de sentent. excommunicat. & Graff. d. c. 10. par. 1. lib. 4. ubi latè de excommunicatione minori per tot.

Quamvis ¶ enim excommunicationis gladius nervus sit ecclesiasticæ disciplinae, ac ad continendos in officio populos valde salutaris; sobriè tamen, magnaque circumspectione est exercendus: cum experientia doceat, si temerè, aut

levibus ex rebus incutiatur, magis eum contemni, quam formidari, & perniciem potius parere, quam salutem. conc. Trid. cap. 3. in princ. de reform. sess. 25. cap. multi, in princ. 2. quest. 1. capit. corripiantur, & ibi gloss. in ver. major. 24. quest. 3. cap. dilecto, §. & quoniam, de sent. excom. in 6.

12 Ideo ¶ in causis judicialibus quotiescunque executio realis, vel personalis in qualibet parte iudicii propria auctoritate fieri potest, abstinendum est à censuris ecclesiasticis, & procedi debet, primò ad executionem realem; si fieri potest, & deinde ad personalem. Quando verò realis, nec personalis fieri valet, tunc etiam ad excommunicationis pœnam procedi potest. Quod procedit quoque in causis criminalibus, ut dicto c. 3. in causis verò, & non sufficit, quòd extrajudicialiter constet iudici executionem realem, vel personalem fieri non posse, sed necessarium est, quòd constet in actis per relationem nunciij, ut in deci. Congregat. eiusdem sac. conc. super eod. cap. 3. §. an si iudex. Et quamvis excommunicatio lata à iudice ecclesiastico antequàm legitimè constet de impedimentis, vel perturbationibus, quibus prohibetur facere executionem realem, vel personalem, sustineatur, & secundum communem opinionem excommunicationis sententia sit valida, & excommunicatus egeat absolutione; iudex tamen malè facit: & debet servare formam à concilio super hoc traditam, ut fait ab eadem sacra congregatione declaratum, in §. an excommunicatio, super eod. cap. 3.

13 Nefas autem ¶ est sæculari cuilibet magistratui prohibere ecclesiastico iudici, ne quem excommunicet; aut mandare

ut latam excommunicationem revocet sub prætextu, quòd supradicta servata non sint, cum non ad sæculares, sed ad ecclesiasticos hæc cognitio pertineat, conc. Triden. eod. cap. 3. §. nefas. de reform. sess. 25.

14 Executor verò ¶ in partibus deputatus cum potestate excommunicationem nunciandi, postquam sibi constiterit obligatum excommunicationis sententiam incurrisse, non tenetur servare formam in dicto decreto concilij traditam, quia ante fulminationem sententiæ excommunicationis in curia Romana præsupponuntur huiusmodi diligentia facta, & tunc huiusmodi excommunicatio non intelligitur sub conditione in subsidium executionis realis, vel personalis, congreg. concil. super eodem cap. 3. §. executor in partibus.

15 Si autem duo ¶ sint in forma camerae Apostolicæ in solidum obligati pro eodem debito, si contra unum tantum possit deveniri ad executionem realem, vel personalem, contra ipsum in solidum est executio facienda: quia contra alium, contra quem non potest fieri executio realis, vel personalis ad instantiam creditoris, censura relaxari non potest, ut per eandem sacram congregat. super eodem cap. 3. §. supposito quod.

Nisi facta executione personali, carceratus non esset solvendo, quia in subsidium contra alium ad censuratum relaxationem procedi posset.

16 Adversus ¶ eos, qui temporibus ab Ecclesia statutis ad confessiones, & Ecclesiæ sacramenta accedere negligunt, & pœnas cap. omnis utrisque sexus, de pœnit. contemnunt, licet Episcopis ad excommunic-